

欽定剿平三省邪匪方略

欽定剿平三省邪匪方略正編卷三百二十
壬戌年

六月初二日辛惠齡奏言臣於二十五日自潞

峪起營赴平利紫陽一帶防堵由大峪口入山

查北面峪口之外距省較近牲畜蕃庶地方沃

饒爲從來未經蹂躪之地萬一賊匪被剿緊急

竄出峪口不特完善地方致遭焚掠且該匪得

有貨糧騾馬又可苟延殘喘是以額勒登保逼

賊出林仍止在山內剽辦並非轟出平原

臣移

營之後北面全屬空虛究難放心因札飭沿山

州縣營員加意防堵並將軍撫二標官兵一千

名留駐峪口一帶偵探防堵

臣

僅帶督標兵六

百名前赴陝楚交界商同總兵穆克登布扼要

嚴防查該處惟平利與二竹緊相毗連至紫陽

又在安康之西不與楚省接壤

臣

自應趕赴平

利相機辦理奏入

上命軍機大臣傳諭額勒保惠齡曰本日保寧由
陝西軍營來京召見據稱額勒登保因剿辦苟逆
日久未能得手甚爲焦急苟逆藏匿老林山險路
入官兵進剿不能得方自應亟爲設法熟籌妥辦
昨據額勒登保奏欲將賊匪驅逼出山並稱該匪
已無騾馬勢益窮乏如果逼出老林以馬隊官兵

追剿徒步賊匪豈有轉行落後之理况苟逆股匪
爲數無多官兵不啻十倍於賊何難設法剿捕又
據保寧稱賊匪聚匿深山艱於覓食時於夜間令
其黨夥出山搶掠等語可見賊匪不能久在山內
存住何不同其山山搶掠時扼要攔截絕其口食
賊匪斷不能枵腹久支勢必全夥出山可期一鼓
殄滅至惠齡係本省總督陝境賊匪係伊任內應

辦之事何得置之專公僅在峪口以防守寨境茲
接伊具奏已赴平利與經畧軍營相距尙不甚遠
自當彼此熟商迅勉奏績或別有所見亦不妨據
實具陳期於辦賊有益毋得心存推諉遷延干咎

初四日

癸卯

德榜奏言

臣

移師東趨先剿樊會

等股途次探報樊會等逆先於十七日由莖口
向木耳溝金斗坪一路南逃是晚兵抵莖口適

總兵孫清元吉林秦躡蹤前來到營謁見查金
斗坪與向西之烟墩埡張飛埡大小羅溪等處
在在通彎腰樹上龕一帶必須前有堵截尾追
之兵方可得力卽令孫清元吉林秦等帶兵取
道獅子巖趕赴該處確探迎剿臣督兵跟蹤緊
追十八日至金斗坪接准督臣吳熊光來信云
興山白馬灘運河一帶有害匪梗阻商令酌籌

兵力疏通適長齡等帶兵自南漳觀音堂尾追

樊會等逆抄出簡口與臣會晤臣查興山山內

所貯糧石此番大兵往回支放殆盡自應趕緊

補貯以利軍行而長齡一路兵馬現亦無路可

分是以臣會同酌量撥出李天林及副將孫應

奉等所帶兵勇一千八百餘名令其馳赴興山

白馬灘疏通運道並飭令隨時查探東湖歸州

一帶如有零匪遁藏卽常搜捕淨盡嗣聞樊會

等逆知

臣

督兵尾追冒雨狂奔向老山臂林翻

越沿途淌渡溪河淹斃及水間逃出難民不少

又據孫清元吉林稟報樊會等逆於二十日

晚間至仙家坪遂由寒水河翻山該鎮等於二

十一日在獅子巖聞報是夜四鼓冒雨進發趕

至段樹亞西溝一帶賊衆瞥見官兵卽紛紛四

散奔逃副都統銜總管托爾托保侍衛華山保
特克昇額帶領馬隊遊擊烏勒喜訥都司姜元
祥守備張大勳帶領兵勇分路趕追四十餘里
直至梨子坪大雨盆傾兼之山險林密濛霧更
大未能再進計沿途殲斃賊匪一百餘名生擒
活賊三十七名搶獲騾馬刀矛旗幟甚多據獲
犯喬世中供稱這股係樊掌櫃王國賢曾芝秀

三人一營那戴四掌櫃崔胡兩個元帥見大兵
趕得緊在歸州地方帶了他自己的三四百人
進興山老林藏躲我們走到乾溪溝又有姓孫
的頭目帶來二百多人合夥不料官兵趕上被
拏等語訊明後卽行正法其餘難民照例給與
銀米路票釋歸現仍分探賊蹤躡剿又據探報
該逆已遁入扁擔溝有北竄獐洛河之勢查獐

洛河係通竹山官渡大路孫清元等既已尾追
自無虞其回折臣卽取道獅子巖蒙古寺旁出

獐洛河之東面抄截二十五日向高灘河進發
接據色爾滾蒲尙佐稟報自魯家埡追剿蒲添
竄賊股分竄後探得各起分逃之賊又俱合夥

東竄羅溪二十一日官兵冒雨淌過羅溪河至
冷盤埡一帶追及賊尾雨下如注兵勇淋漓無

不切齒痛恨奮勇力剿立斃賊匪百餘名賊衆
潰亂奔逃趕殺三十餘里沿途又共斃賊一百
二十名先後生擒一百四十七名口淡崖者亦
復不少搶獲賊旗鎗矛騾馬無數其所獲各犯
因離大營已遠未便解送已訊明吳先光等八
十二名均係戰手當卽正法其難民男婦六十
五名口一概照例省釋計蒲逆賊股除此次擒

斬並沿途潰散淹斃外所剩不過千人

臣

卽飛

飭色爾滾等總須緊追不予以暇如將首夥全
行掃淨不必遠涉來營卽就近在於與山一帶

探剿賴大有卽賴先鋒並崔胡戴兩起零匪

臣

查蒲樊兩股賊衆萬餘自經官兵分路痛剿此
時約計不過剩三千人現在均有勁旅剿辦再
得兩三仗卽可集事惟查自四月二十四日以

後至今日餘陰雨纏綿凡山中大小溪流忽漲
忽消賊衆狂奔日行總在百里以外官兵亦不
敢稍予以暇故兩股逆衆情急洶渡均有淹衝
及渙散之事而各營兵勇亦有漂沒者現在後
隊鍋帳半多落後然當此功虧一簣之際又不
敢稍爲鬆勁臣惟有鼓勵將弁兵勇趁此賊勢
衰殘趕緊剪除淨盡廓清楚境再前次色爾滾

等於穆家堙一帶擒獲男婦賊匪解到營次點
查三百零一名口連夜訊明內有探馬頭旗首
潘玉安曹建中等四名及戰手祝必先等一百
三十六名分別懲罰正法其餘均係難民照例
安爲遞送歸業

同日吳熊光奏言查樊會各逆聞德楞泰大兵
自西而東遂由間道竄入保康南山度其趨向

非繞出羊义河西竄二竹卽走入角廟遁入老
林經德楞泰飛飭孫清元吉林泰等迎頭截剿
德楞泰於十九日馳抵金斗舖適長齡所帶官
兵趕到會合二十一日以後大雨淋漓溪河在
在漲發德楞泰督率長齡冒雨跟蹤追擊孫清
元吉林泰帶領奮勇官兵趕至獅子巖賊匪果
向西北一路竄出官兵出其不意冒雨截剿除

殲斃外生擒賊匪數十名該匪四散亂竄向扁擔溝一路狂奔孫清元等緊跟前進德柁泰由仙家坪東河兜截圍剿一俟晴霽痛加剿殺定可得手至歸州白馬灘一帶前經川楚大兵在火石嶺剿敗殘匪十百爲羣藏匿老林出沒滋擾並分出零匪由車峰坪希圖竄入保康經該縣典史陳本督率各寨義勇趕至截殺斃賊七

名該匪卽連夜折回興山查該處係興歸糧運
必經之路急須上緊疏通臣前與德楞泰商酌

已派總兵李天林副將孫應奉帶領兵勇一千
八百名前往興歸一帶搜捕餘匪並疏通運道
至房竹等處河水雖多漲阻臣仍督率各州縣
設法繞運源源接濟以利師行均奏入

上命軍機大臣傳諭德楞泰吳熊光曰樊會各逆由

大池壩小池壩北竄經德楞泰督率鎮將等緊躡
追剿殲擒賊匪一百餘名其蒲添寶賊股東竄羅
溪河亦經色爾滾等冒雨進攻立斃賊匪二百餘
名生擒吳先光劉九禮等一百四十七名餘匪益
形窮蹙且賊匪情急淌渡均有淹衝及涣散之事
正當乘其潰敗一鼓殄除上年夏間首逆徐添德
一犯卽因陰雨連綿河水漲發官兵追剿緊急以

致落水淹斃此時楚省各股零匪合計不過三千人帶兵各員再能痛剿兩三仗即可全數廓清目下天氣諒已晴霽德楞泰等督率鎮將兵勇跟蹤進剿無難即將樊蒲等逆迅速殄平至興歸一帶有殘匪三四百人在彼奔竄德楞泰商派李天林孫應奉等前往搜捕疏通運道並著德楞泰上緊飭催迅速掃除不可稍有延緩

初八日丁未陸有仁奏言連日據探報苟逆賊匪

在老林逃遁經額勒登保派兵數路入林搜剿
楊遇春一路自小王濶追躡稍有斬獲現仍由
虎豹河等處緊躡兜截其前竄鎮安粟扎坪之
賊經查寨委員高本恩等鼓勵寨勇堵截殲斃
數名寨勇間有傷亡餘匪卽向腰竹嶺一帶逃
竄遊擊馬世勲知縣胡彬帶領兵勇分投追剿

又洋縣九池壩另有分股之賊經總兵楊芳帶
兵剿殺賊卽竄至盤屋縣之厚畛子一帶楊芳
已躡蹤追往扎克塔爾亦帶兵至華陽一帶探
蹤截剿又棧西零匪經慶成胡定泰等節次剿
殺所存無幾現有各處寨勇協同官兵搜捕當
可剋期淨盡慶成業經移師棧道以防苟逆零
匪西竄又據平利縣探報楚省蒲逆股匪復經

叅贊德楞泰在於房縣之黃龍山等處截剿大
獲勝仗擒斬八九百名現將餘匪圍逼卽日可
期得手其另股之賊有由湖溪向竹山白河口
奔竄之勢

臣

查苟逆賊衆多係各股剿剩積匪

湊合而成極爲克悍當其入山之始賊勢方盛
隨地抗拒官兵各路寨勇只可於寨上自爲嚴
防勢難強以下寨截擊此時賊匪叠被官兵剿

殺勢已窮感而又分股狂奔意在牽綴官兵不能兼顧藉以到處潛藏賊情尤爲狡詐

臣

查官

兵容有不及遍到之處而寨勇則隨地皆有若

寨勇趁此時協力搜捕實爲事半功倍

臣

隨飛

飭山內地方官及各路查寨委員於所管各寨

內就其相近者合數寨爲一起每起挑定健勇

數百人隨時偵探賊蹤預爲糾約設遇百十爲

群之匪卽齊集隊勇痛加截擊一經敗竄上站
之勇盡力窮追下站之勇接替剿殺縱或不能
悉數擒亦可隨處窮賊所往一經官兵趕到
更不難卽日剿除至若零星逃竄或十數人或
數十人爲一夥者各路成隊之勇卽可分爲數
起無論穿林入箐務期盡數搜擒臣已大張告
示分別斬擒首從懸立重賞又於衆勇剿賊之

日俱各給與口糧更恐山徑遼濶地方官不能處處親歷而各委員職分較小又或呼應不靈必須指定地方專派大員督率辦理臣現責成

臬司文需督糧道秦納等分地督率查辦所管寨員內有能殺賊立功者卽據實保送倘有玩愒立即更換揭叅如敢瞻徇懈弛并將督辦之員一併叅奏如此嚴密堵剿自更易於得手至

楚省剿敗之賊皆距陝境不遠臣已飛飭地方

文武各官隨時偵探竭力防堵總兵穆克登布

近在該處向來捍衛頗嚴茲督臣惠齡復遵

旨馳往巡防自必益加周密所有各路糧餉臣督飭

運供不敢稍有缺誤奏入

上命軍機大臣傳諭陸有仁曰賊匪經官兵剿敗之
後爲數本屬無多若寨勇齊心合力協助官兵實

爲事半功倍陸有仁惟當督飭寨勇等上緊堵剿
不可徒託空言若寨勇等有能擒獲苟逆者卽照
擒獲高三馬五等之例奏明優予賞擢其殺賊立
功者亦以次陞賞承辦之司道等官果能奮勉出
力殲擒渠魁朕卽立將該司道等官同該撫一體
優加懋賞用示鼓勵至於各路糧餉前撥粵餉四
十萬兩現在亦將到境更爲寬裕陸有仁務且督

飭糧員源源運供毋致缺乏爲要

同日額勒登保奏言竊賊匪苟文明率領夥黨由光頭山竄過安溝復由大小秦嶺竄至黑圪塔等處西竄副將張瑗遊擊黎炳等由磨石溝花石梁緊躡追剿扎克塔爾格布舍由四畝地東嶽殿一帶抄截副將張廷楷等亦由龍洞溝金家坪截擊數路官兵皆於山林深險之處徒

步窮追副將張瑗等追至龍草坪拏獲賊匪王
品等六名供稱苟文明因官兵分路追來令頭
目張士雲張士熊分帶二三百人另路逃走又
令先鋒靳士黃海姓等帶領一百數十人向西
竄去苟文明帶領三百餘人於地牢一帶老林
藏匿俟官兵追趕前股西去卽連夜折回琵琶
嶺奔竄適臣於二十四日移營兩河接據探報

有賊匪一股由琵琶嶺竄來或數十人或百餘人分爲數起先後均至皂砦溝張九溝一帶老

林游奕

臣

遂派令遊擊劉健標守備蘇超帶領

兵勇由廟溝跟蹤追剿

臣

於兩河嶺西截擊詎

該匪聞風又向茨溝石板溝老林遁去官兵奮力追過四五重大山拏獲賊匪劉玉秀等四名據供係苟文明股匪屬實並稱苟文明因官兵

均向西去所以連夜折向東面使官兵無處找尋不料又有官兵追來等供該匪狡詭伎倆實屬可恨臣以西去之賊既非苟逆正股且人數又屬無多自不值以多兵躡剿遂一面札知楊

遇春李應貴楊芳等卽於西面剿辦張姓靳姓等分竄之賊調令扎克塔爾格布舍副將張廷楷張瑗等帶兵轉回歸隊以便合力向東南進

剿維時大雨滂沱數晝夜不止至二十八日雨

勢畧小令遊擊劉健標帶兵由金瓜溝自北向

南進擊

臣

親率副將王兆夢及侍衛官員等帶

領兵勇數百名由張九溝黃柏溝分路掩擊該

匪不料我兵冒雨進攻倉惶起竄由洵陽壩一

帶奔逃

臣

飭令兵勇等奮力追剿殺斃十餘人

生擒李三元等八名餘匪匿入響洞溝老林雨

勢又復大作訊明生獲各犯皆係從逆日久之人概行正法三十日天色稍晴而河水處處漲發想該匪急切不能遠颺臣於二三日內等候

扎克塔爾副將張廷楷等帶領官兵到來卽當深入山林分路趕辦又據楊遇春一路分出剿賊之軍功張必祿稟報近日帶領兵勇於太平峪花柳灣一帶追剿賊匪一股殲斃八人生擒

十二名據供係宋麻臣伏李貴成分竄零星匪共有
一百餘人並將獲臣解送前來臣訊係積年矛

手均卽正法至楊臣春李應貴楊芳等所剿張

士雲張士熊等零臣已臣知會楊遇春等該匪

或直向西趨不必臣於攔截現在慶成帶兵在

留鳳邊界臣知會臣提督偵探確蹤設伏以待

與楊遇春兩路夾擊現在山林內賊匪零星分

竄寧陝境內寨堡二民人隨時搜獲匪徒或二二三

名或三五金不等有解送軍營經臣審明臬示

者有由寧陝廳錄供稟報臣批飭辦理者均將

出力寨民各予獎賞並又札商撫臣陸有仁於

嶺南嶺北酌派道府委員董率搜捕以濟兵力

之所不及兼恐賊勢潰敗之後潛向各寨堡傭

工已出示曉諭令其隨時具報以憑審訊安插

庶無漏網再臣連奉

諭旨令將此間地勢應否用火礮轟打或拋擲火礮
設法剿捕之處安速奏聞查該匪若有一定所在
則火攻原足以制勝今則千百里深林潛匿奔
竄甚至無蹤可尋是以火彈現無可用之處而
大小礮位係隨隊攜帶亦時常相度地勢酌量
轟擊並非置之不用無如此股賊匪狡詭多端

臣

前此因該匪合夥狂奔人數較眾不得不以大隊官兵進剿昨因叠經剿殺之後分爲數股賊數日減賊勢日窮又斷不敢竄出老林是以於各路挑撥精勁官兵派令得力將備帶領分路前進並重懸賞格以勵衆志不帶鍋帳以利師行翻山越嶺窮賊所向此亦不得已而爲此變計也

臣

自乾隆六十年帶兵以來辦賊遲延

至今尙未一律成事不但無能且無福既無
以上慰

高宗純皇帝在天之靈復無以仰紓

宵旰夙夜省循負罪日重敢不勉圖報効以期迅速
集事早奏持書奏入

上命軍機大臣傳諭額勒登保曰本日遞到額勒登
保奏函仍不過鋪叙剴辦情形官兵並未與賊接

仗痛加殲戮據稱賊匪奔竄無定狡詭萬端自係
實在情形斷不疑其虛誑但事機所在亦必須熟
籌辦理設法殲擒若云智者無所用其謀勇者無
所用其力遂不思多方設計剿辦豈有待賊匪自
斃之理乎况據奏兵力不爲不足將帥不爲不奮
勇正當乘此聲勢驅勉成功現據陸有仁奏飭令
各路查寨委員於所管各寨內就近合數寨爲一

起每起挑定健勇數百人隨時偵探賊蹤齊集截擊所辦甚爲妥協賊匪四路狂奔寨勇等齊心合力協助官兵正可資其殲捕額勒登保人本公正自不存忌功之見如果寨員及寨勇中有能殺賊立功當卽據實保奏朕不但加恩優擢伊等卽陸有仁并額勒登保亦當一體加恩也再摺內稱儘此夏令將苟逆設法殲除卽有未淨餘氛於秋冬

一律掃蕩等語殊屬支離延緩苟逆股匪合計不及千人渠魁一殲卽勢同瓦解陝省自可指日肅清尙復有何餘氛或額勒登保以身任經畧通計三省餘匪而言亦不可延至冬令總之此時惟當上緊剿辦切不可預存秋冬竣事之見至額勒登保以功屆垂成刻下惟苟逆一股辦理棘手自謂無能而且無福此語過情額勒登保前此疎防任

若逆竄入老林將及半載尚未擒聚獲醜其辦理
無能朕亦不能爲解免至無福一語額勒登保不
但不可出此言并不可存此心設思伊若無福何
以能承受朕恩額勒登保惟當倍加奮勉指日大
功告成晉爵酬庸伊之渥被恩施者正未有量至
摺內稱仰慰

高宗純皇帝在天之靈此乃朕之責任朕受

皇考付托之重此爲第一件大事額勒登保能早建大功寬朕之責卽以慰

皇考之靈若日久因循則非但額勒登保之罪實朕之罪朕自親政以來宵旰憂勞額勒登保冀以紓朕之憂不知爲君無去憂之時剿賊一事特朕心憂勞之最大者其他雨暘年穀吏治民生在在關心憂勞實無時或釋若額勒登保等以此賊氛計日

平則振旅還朝懋膺上賞伊等之焦勞轉卽可寬
解額勒登保不可不勉體此意迅速蔽功也至發
摺奏報原可不據日期但朕屢念軍務盼望爲勞
嗣後額勒登保剿辦得手能將首逆擒獲卽用六
百里加緊馳奏其尋常打仗得勝或此外各路軍
營咨報得有勝仗亦由六百里馳奏若祇係剿辦
情形卽由五百里間旬馳奏額勒登保惟當速將

苟逆剿除迅奏捷音勉之望之

欽定剿平三省邪匪方略正編卷三百二十一

壬戌年

六月初十日

臣

德楞泰奏言

臣

據探報樊曾等

逆已竄過獐洛河尾追之兵因水阻於扁擔溝

未能趕及

臣

卽連夜督兵前追趕至該處幸水

大而緩連夜搭架浮橋次早全軍渡訖行抵官

渡據探報王國賢帶有賊匪五六百人在玉口

河搶得難民小船二隻渡到三次河水忽漲浪

翻淹斃一船馬賊亦衝去數十騎又探得樊曾
兩逆帶有千餘人順河上走花梨溝孫家壩奔
逃_臣遂派總兵德昌卽帶原兵一千八百餘名

令其過河跟剿王國賢之賊_臣仍督兵趕追樊

曾等逆探得賊匪走白鐵河蜜蜂塘向羊耳溝
有竄老猪溝松樹嶺老林之勢訊據寨民稱該
處山高路窄險阻萬分三面皆係溪河現在久

而未止河水盡漲萬難飛越惟有東面廟坪仍可轉至白鐵河蜜蜂塘一路

臣

查樊逆等勢已

窮蹙惟冀苟延殘喘今既竄入絕地自應乘此雨水漲發之際一鼓殄除又查廟坪之路必須由白鐵溝方可行抵該處而白鐵溝腦兩山夾峙溪河一道延長二十餘里此外並無別路可繞

臣

再四思維我兵若不冒險躡洄俟雨止水

消則該逆必又他竄斷難制勝卽將鍋帳一切
留於養蜂塘適孫清元吉林泰到來卽令孫清
元等在彼扼駐以防逆匪折回

臣

同賽冲阿長

齡温春馬瑜等均皆輕騎淌水前進並令馬隊
與步隊夾雜拽尾挽手而行其水淺處人過胸

膛馬及鞍坐急溜處兵勇內亦有淹斃之事幸

抵廟坪

臣

又復曉諭將士兵勇趁此功屆垂成

之候各宜出力巴結並傳宣

賞格官兵踴躍非常卽乘雨由老猪溝進剿道路崎
嶇泥濘人馬盡皆淋漓三十日黎明行抵黃柏
埡探報賊匪已竄上馬鹿坪大山追我兵趕至
山脚見萬山叢雜高出雲霄幸旁有小路可以
分兵競上忽然霧氣大作上下瀰漫卽趁雨霧
之勢令賽冲阿長齡温春馬瑜各分一路

臣督

同齊上進至半山適賊衆亦爲雨霧所蔽毫不
知覺我兵吶喊奮力剿殺賊卽紛紛潰散奔上
山頂憑高地擲亂石抵拒官兵冒石步步進逼
愈攻愈力一擁搶上山頂箭射矛戳立殺賊五
六十名生擒男婦五十八名時雨止霧散賊又
敗上黃嶺仍復依險抗拒臣遙見山下遠約十
餘里有大河一道水勢沸湧兩旁皆係峽口詢

之鄉導稱係平口河腦草龍灘漁沱等處水深浪大均不能過臣隨督同將領員弁兵勇竭力

仰攻卽時搶上賊又四散逃奔富又分路圍剿賽冲阿等帶兵由黃茅埡自上下壓長齡等帶兵由岳洲峪旁截溫春等帶兵抄下漁沱馬瑜等帶兵由觀音扁邀擊分投並進痛加剿殺將賊匪盡行逼下溝底適溫春等由漁沱迎頭截

殺而來馬瑜亦帶兵下溝該逆奔投無路盡皆
號泣大哭見樊逆騎黃騾一頭手中亦無器械
曾逆騎青騾手持長矛率領剩賊四五百名盡
行投河河內亂石崢嶸波浪湍激有各營善水
兵勇六十餘名見二首逆洶河皆脫去衣衫赤
身鬼水趕擒曾芝秀被衝已遠臣親見鄉勇二
人趕上樊逆一人拽其騾尾二人向前拖抱下

鞍扭在一處溜至急湍處所均爲巨浪搏擊下
灘杳無蹤影拾獲逆草帽及所騎騾頭鳧水
鄉勇中被水衝去十數名究不知拖抱者爲誰
是以未能聲敘其名計共殺賊二百四五十名
生擒大小男婦一百八十七名口搶獲旗幟鎗
矛騾馬極多臣當令各獲犯於活賊內遍行指
認有樊逆之妻王氏僞先鋒姚名科僞總兵徐

懷龍興相又於各營繳來首級內認有樊逆之
子樊龍王國賢之母舅朱老教師偽先鋒劉昌
武等多名訊據樊王氏供委係樊逆之妻所獲
草帽黃騾亦認係樊逆之物又將擒獲各頭目
及各首級令其逐一指認無異又遊擊閻俊烈
於初一日來營面稟二十七日探得有賊匪五
六百名騾馬二百餘匹過河在木瓜坪屯紮是

夜帶領兵勇並竹山縣范繼昌派來練勇乘夜
冒雨過河圍剿賊衆於睡夢之中驚惶亂竄兵
勇痛加剿殺追至河邊又殲戮大半內有一賊
赤身只穿紬褲有賊喊叫王元帥被兵勇蔡如
清等聞知追趕該逆背受矛傷兩處及至大西
河邊撲入河內蔡如清等下水捉拏已被水衝
去屍身未獲千總胡國安等又於屋內遍搜有

賊往外衝殺胡國安被賊戳傷軍功彭光彩力
敵當用矛將該逆戳倒割其首級共殺賊一百
餘名生擒活賊五十七名大西河內淹斃者二
百餘人搶獲旗矛驟馬無數據活賊認出偽先
鋒高功成張士林偽總兵彭宗益三名屍內認
出樊人傑之弟樊人禮其子與侄樊虎樊鳳偽
先鋒張宗成王富宇王國賢之妻餘匪無幾向

濫池子逃竄將生擒各犯及虜斃各首級一併
解驗前來當令樊王氏等隔別認識均屬確實
臣查王國賢賊衆過河時原不過五六百人茲
又被閻俊烈等大加圍剿殲擒頭目多名首逆
帶傷撲水雖該首逆生死不定而此股賊匪亦
已殲戮殆盡查德昌係二十八日派令帶兵過
河追剿王國賢等而閻俊烈圍剿係二十七日

夜間之事臣現已飛飭德昌卽將王逆餘匪趕

緊掃淨至遊擊閻俊烈前在四川打仗奮勇曾

蒙

賞給巴圖魯名號近自穆克登布派令帶兵搜剿川

楚邊界零匪在於太平大寧二竹等處每夕擒

斬此次乘夜過河圍剿王國賢等賊匪多名又

能以少擊衆實爲奮勇可嘉相應奏懇

聖恩賞給閩使烈叅將銜遇缺卽補又已革把總劉從善亦極爲奮勉應懇

恩仍以把總卽補其所帶兵勇並竹山練勇共三百

五十名臣均各賞銀鼓勵所有偽總兵僞先鋒

各頭目姚明科等六名均卽臠割處死其夥匪

周元和等一百九十二名一槩正法其餘難民

一百零四名口均妥爲遞籍安業此次樊人傑

被水淹斃

臣

等均皆目擊毫無疑義投河之賊

人衆數百均皆淹斃曾芝秀先被衝去斷難得

生實無一人漏網初一日天氣晴朗而水急浪

湧兵勇等尙無從打撈因令該縣范繼昌派委

安差俟水勢消落在於河口下流遍撈該逆手

帶金釧二隻諒水不能衝脫卽可爲憑又查其

妻王氏本係官渡渡擄難婦現有伊夫楊國秀

前來認識當卽令其領回完聚伏查樊逆於同
謀起事諸逆中輩分最大凡川陝楚各股首逆
如王三槐冷添祿徐添德羅其清冉文儔等無
不聽其指使偽封皆以該逆爲憑該逆倡亂多
年煽惑人心荼毒四省生靈不知凡幾茲將該
逆并其兄弟子侄一併誅戮全股根株淨絕實
足以彰

國憲而快人心再楚省月前惟樊蒲兩大股賊衆
萬餘至今樊會兩逆業已剪除淨盡其蒲添寶
一股近亦只有八九百人此外尚有賴先鋒熊
總兵唐明萬各千餘人崔胡戴三四百人均在
興巴山內但臣兵勇此番趕追賊匪行走迅速
鍋帳衣鞋多有爲水衝失阻滯者又有傷足落
後未到者稍爲整頓再移師前進因思二竹爲

川陝邊界賊蹤往來倏忽無定不可無兵彈壓
搜捕查孫清元係鄖陽鎮總兵原帶馬步兵勇
二千餘名德昌亦帶兵勇一千八百餘名擬令
在二竹一帶所有零匪卽責成該二鎮搜捕淨
盡其東湖歸巴一帶係宜昌鎮所屬擬令吉林
泰帶原有馬步兵勇一千八百餘名前往與李
天林前帶兵一千八百名在彼搜捕

臣

與賽冲

阿長齡卽移師向興巴山內搜剿蒲逆並遁藏
各股餘匪

同日勒保奏言竊臣由巫山回抵夔府總兵田

朝貴稟報該鎮探剿竹峪關竄入之楊姓股匪

十二日行至興龍關探得賊匪正在鸚哥嘴賈

家梁一帶田朝貴卽督率官兵進發途次東君

壩適大雨如注官兵在林內暫紮忽有探路賊

匪四五十人迎面前來一見官兵卽折回狂竄
田朝貴料賊匪已知官兵消息定卽遁逃必須
趕緊追躡於是帶兵冒雨前進行有二十餘里
並無賊蹤詎賊匪皆埋伏青崗林內俟官兵行
近突然衝出兵勇陣亡十二名被傷二十餘名
守備趙琴外委李必榮均被石傷田朝貴見有
賊匪埋伏卽趨催後隊兵勇衝殺立斃賊四十

餘名生擒二十餘名賊匪尚蟻聚未散遊擊薛
陞分帶兵勇抄上賊後山梁下壓趙琴亦帶傷
奮勇衝殺賊始潰散官兵分投擒斬復斃賊二
十餘名生擒二十餘名餘匪向二家坪貓兒壩
一帶分投散竄兵勇四路追殺各有斬獲只有
騎馬賊首一人帶衆二十餘人奪路奔逃適有
通江團練委員帶領寨首武生楊文喜楊文嘉

等率同團勇迎頭堵截殺斃賊匪二名生擒一
名賊匪亡命衝突楊文嘉及團勇楊克謙受傷
陣亡官兵追及復殺斃賊十餘名生擒三名所
有騎馬賊首被鄉勇冉貴劉天貴李守雲思貴
等圍住殲斃剖取首級呈驗田朝貴當將活賊
鄭玉等查訊據供賊首名喚楊步青向在李彬
股內充當總兵李彬被擒後卽自稱元帥湊合

打散餘匪二三百人近日在西鄉通江往來奔竄並據供稱楊步青家在巴州黃成寨居住尙有親父楊景春在家田朝貴當將該逆首級解送達縣并專差至黃成寨查喚楊景春一併解候質認其餘各營交到活賊共九十二名訊出戰手六十七名內中酌留老賊鄭玉等五名解送臣營備質所餘郭朝奇等六十二名卽行正

法其被擄難民就近交白巖洞寨首保領

臣查

楊步青一犯本係冉添泗股內偽總兵上年經
畧額勒登保一路官兵打敗與冉添泗王士虎
同時就擒後因王士虎再三告稱賊夥俱有投
出之心只須釋放一人前往開導即可解散額
勒登保以楊步青尚非緊要之犯遂給予告示
發交道員劉清設法辦理乃該逆自經釋放之

後不惟不將餘賊招出反與李彬合夥擾害川
北迨春間李彬就擒該逆猶怙惡不悛帶殘匪
一三三百人在川陝交界游奕屢剿未淨茲幸仰

仗

天威又將此積惡首逆殲除實可以大快人心然必
須查訊真確方無疑竇因飛札永寧道陳預將
該逆之父楊景春就近提案辨認據楊景春辨

認所割首級實係伊子楊步青並據供稱嘉慶三年二月間賊匪冉文備紮營在王家寨將我兒子擄去封做總兵他曾遣人接我進營我本係良民不肯同去該道錄取供詞並將活賊鄭玉等解送來營臣親加查訊據供往來奔竄先

後情節歷歷如繪毫無疑義其鄭玉等五犯均

係積年老賊臣訊明後槩予正法其楊步青首

級飭令由達縣解送巴州懸掛示衆該逆之父
楊景春既無從逆情事發回省釋再臣前此至

夔時探得香坪桂壩一帶有害匪一股當派遊
擊程元龍都司周士貴等帶兵剿辦茲該遊擊
等稟稱十七日追至鐵山溝趕及賊尾殺斃賊
十一名生擒十九名餘匪由小茅坪竄去程元
龍與周士貴躡蹤追趕二十日探得賊匪在白

廟子分兵兩路抄擊賊匪約有二百多人亡命
狂奔向福興頂黃茅寺蔣池灣洛陽壩等處竄
去官兵緊躡追殺復斃賊二十餘名生擒三十
名查訊此起係宋國品及匪當將先後所擒活
賊解送來夔程元龍周士貴等仍躡賊蹤前進
又副都統銜達斯呼爾岱副將羅聲皋等在東
鄉境內搜捕餘匪兵至張家灣探得有賊二二

十人在彼潛匿當派叅將蕭鳳來帶兵往剿將賊圍住殺斃十八名生擒九名將此股辦淨查訊活賊內有羅元昭一名係白號張子聰股內賊目帶領餘黨二十餘人分路竄走又張正朝一名係張簡之義子當卽解交太平縣聽候訊辦該將等仍移兵搜剿再連日巫山邊界並無賊匪竄入大寧邊界據報有賊匪一起由楚竄

近大禾田經防守徐家壩之守備閻寬等帶領
兵勇前往堵截殺斃賊十七名逃出難民吳明
遠龔加桂二名打仗時兵丁帶傷一名鄉勇陣
亡一名該匪仍向竹山所屬之關東河一帶竄
走查訊難民據稱此起賊匪係黃藍青白四號
湊合約有六七百人賊目姓張富將該難民交
縣省釋閻寬等仍帶兵回卡防守此時川省光

景僅餘零星散匪如此分兵搜捕自可日就肅

清均奏入

上命軍機大臣傳諭德楞泰曰樊人傑係積年起事首逆最爲狡悍曾芝秀一犯糾約夥黨在楚滋擾日久均爲罪大惡極此次德楞泰督領將弁冒雨分路進攻將該逆等緊逼至源沱等處賊勢窮蹙已極無可逃生各赴河淹斃并將該逆等妻子弟

任全數殲擒大股聚黨業已掃除淨盡德楞泰調
度有方身先士卒故能人人用命所向披靡此皆
伊一人之功實屬可嘉之至現已另降諭旨將德
楞泰晉爵酬庸并出力各將弁兵丁俱加恩給與
議敘一體獎賞矣至樊曾二逆被水淹斃雖據稱
彼時水急浪湧兵勇等不能站脚打撈但該逆等
罪惡貫盈必當於水落時打撈務獲剝屍示衆方

足以快人心而彰國憲亦可息浮言而成定案現
在德楞泰分派孫清元德昌各帶兵勇在二竹一
帶搜剿零匪吉林泰李天林往東湖歸巴搜捕其
蒲添寶一股尤關緊要德楞泰督同賽冲阿長齡
等移師往剿所辦俱是德楞泰當乘此大勝之勢
將兵旅畧爲整頓速行督率進剿又所稱蒲添寶
一股祇有八九百人此外尚有賴先鋒熊總兵唐

明萬各千餘人均在興巴山內奔竄聲敘殊未明
晰現在賊匪尙有若干並著將實數查明具奏其
賴姓等股匪現係何人專辦著德楞泰先行飭催
上緊剿捕勿稍延緩

同日

上諭內閣曰德楞泰剿辦教匪節次殲擒首逆冉文
儔高均德濟國謨高一徐添德龍紹周等其餘賊

目尙多而其功績最著者尤在截剿偷渡潼河賊
匪連接五仗生擒首逆冉添元保全川西數百萬
生靈至今該處人民感頌業經疊次加恩遞封二
等伯此次又復將元兇極惡之樊人傑及首逆曾
芝秀等奮力逼剿該匪等情急投河淹斃元惡旣
殲餘匪更易掃除自可尅期蕝事厥功甚偉德榜
泰著加恩晉封二等侯並賞給白玉大吉葫蘆牌

一塊四喜玉搬指一個珊瑚豆黃瓣大荷包一對
小荷包四個將軍賽冲阿副都統温春總兵馬喻
分路帶兵俱屬奮勇著加恩交部從優議敘提督
長齡自督兵以來屢次克捷尙屬奮勉此次復與
賽冲阿等分投圍剿出力可嘉著加恩賞給雲騎
尉世職其賽冲阿一路之侍衛富僧德協領明德
穆騰額叅領達春長齡一路之侍衛富翰總管都

當阿協領明安觀成溫春一路之副將達自祥泰
將馬文斌遊擊楊森都司左位守備岳泰楊春福
馬瑜一路之副將馬應國叅將何君佐遊擊劉彪
王占鰲都司熊敏謙守備謝成貴等打仗殺賊均
屬勇往俱著交部議敘遊擊閻俊烈圍剿賊匪不
分畛域矛傷王國賢賊擒樊人傑之子弟餘匪剿
洗殆盡殊屬可嘉著加恩賞給叅將銜遇缺卽補

已革把總劉從善隨同打仗亦屬奮勉著仍以把
總補用鄉勇六十餘名見樊會二逆撲河卽梟水
趕擒內有趕上樊逆向前拖拽被水淹沒之三人
著德楞泰查明姓名照把總陣亡例賜卹其餘六
十餘名內現在者悉行優加賞賚淹沒者均著照
陣亡例議卹至總督吳熊光於楚省糧餉能認真
督辦源源接濟俾德楞泰等一路軍營士馬飽騰

所向克捷伊二人和衷共濟殊屬可嘉吳熊光亦著交部議敘軍機大臣慶桂董誥戴衢亨承旨書論甚屬周到勤勉著加恩交部從優議敘軍機章京章煦承辦軍務最久亦著加恩交部從優議敘其餘出力滿漢章京等著慶桂等擇其尤爲勤奮者奏明交部議敘本日奏事處接遞捷報之孟住滿保兵部值日遞報之主事扎蘭泰保典筆帖式

陳裕翰輔良俱著加恩加一級此次沿途驛站馳
遞六百里加緊文報甚爲迅速著交該督撫查明
照例獎賞

上又命軍機大臣傳諭勒保曰此次楊姓股匪在賈
家梁一帶逃竄經田朝貴帶兵追剿斬獲賊匪一
百數十名並將賊首楊步青殲斃所辦好楊步青
一犯本係冉添元股內僞總兵打敗後與冉添泗

王士虎同時就擒因王士虎再三告稱釋放一人
前往賊中開導即可解散額勒登保將楊步青釋
放給與告示發交劉清設法辦理乃該犯自經釋
回之後不但不將餘匪招出反與李彬合夥擾害
川北此次復將該逆殲除可見此種怙惡匪徒

天理不容實足以快人心而寒賊膽所有殲斃楊步青
之鄉勇冉貴劉天貴李守雲思貴奮勇可嘉著勒

保查明該鄉勇等如無頂戴卽賞給八品頂戴倘
本有頂戴卽著賞戴藍翎用示鼓勵其殺賊陣亡
之武生楊文嘉團勇楊克謙俱著各部賜卹

十一日

庚戌

吳熊光奏言前經奉

旨飭查蒲井各逆在水溝後山埡口屯聚瓦房草蓬
一節臣查水溝距房縣城不滿二百里卽派道
員王正常前往詳查據覆稱親至該處詢之寨

首楊添運等供稱五月初十日聞賊匪竄近平山該處居民俱撥上對面吉慶寨避賊遺下空房十一日賊至水溝後山埡口佔住民房十二日德叅贊追至大獲勝仗賊卽四散潰逃埡口瓦房六間係鄉民梁景信住屋草蓬八間卽係楊添運住屋已被賊燒燬其小把尺瓦房九間係鄉民田正道等住屋並經該道帶同楊添運

來至房城臣面向訊問所供符合查蒲井各逆

由興山竄入房境乃五月初十日之事德楞泰

十一日卽帶兵趕上十二日大獲勝仗而該處

房屋草蓬十一日賊始佔據屯紮旋即遁逃核

之兵行月日其非賊匪在彼久踞巢穴搭蓋房

屋似無虛捏再探得蒲井各逆經副都統色爾

滾總兵蒲尙佐在貴運坪大獲勝仗賊擒甚多

賊向興山一帶逃竄色爾滾等仍冒雨窮追現
復經德楞泰酌派孫清元吉林泰帶兵分往竹
山興山等處協剿近日陰雨連綿官兵奔走於
萬山之中騾馬倒斃稍多湖北向不產騾臣現
專差於河南等處趕緊購覓預備接濟奏入

上命軍機大臣傳諭吳熊光曰昨已降旨將德楞泰
等分別加恩并因吳熊光辦理糧餉源源運供與

德楞泰和衷共濟加恩交部議敘德楞泰現在帶
領勝兵移剿蒲井股匪此時元惡已除餘匪自必
聞風膽落正當功屆垂成之際所有軍火糧餉尤
關緊要吳熊光務須督飭局員妥爲經理俾德楞
泰士馬飽騰以期一鼓集事斷不可存惜費之見
倘軍餉稍有不敷不妨據實奏請候朕酌撥至因
官兵在山內行走騾馬多有倒斃專差赴河南等

處趕緊購覓預備接濟所辦甚好再水溝口房屋
既據該督查明並非賊匪在彼搭蓋自屬實在情
形不必再爲追究